



TOSHKENT DAVLAT YURIDIK UNIVERSITETI REKTORINING B U Y R U G ' I

20.09.2022

265-um-son

Toshkent davlat yuridik universiteti talabalari hamda TDYU qoshidagi M.S. Vosiqova nomidagi akademik litsey o'quvchilariga universitet stipendiyasi va grantini tayinlash to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoni, Toshkent davlat yuridik universiteti (keyingi o'rinlarda – universitet) rektorining 2020-yil 19-avgustdagi 08-146-son "Toshkent davlat yuridik universiteti va universitet qoshidagi akademik litseyning iqtidorli talaba hamda o'quvchilariga stipendiya tayinlash va grantlar ajratish to'g'risidagi nizomlarni tasdiqlash haqida"gi buyrug'ida belgilangan vazifalar ijrosini ta'minlash, tashabbuskor, bilimli va iqtidorli talaba va o'quvchilarni munosib rag'batlantirish, ularni moddiy qo'llab-quvvatlash hamda Toshkent davlat yuridik universitetining stipendiyasi va grantiga tavsiya etish bo'yicha komissiyasining 2022-yil 16-avgustdagi 3-son yig'ilish bayoniga muvofiq

B U Y U R A M A N:

1. Toshkent davlat yuridik universiteti (bundan buyon matnda – Universitet)ning stipendiyasi va grantiga tavsiya etish bo'yicha komissiyasi (bundan buyon matnda – komissiya)ning 2022-yil 16-avgustdagi 3-son yig'ilish bayoni ma'lumot va ijro uchun qabul qilinsin.

2. Komissiya bayoniga muvofiq, universitet stipendiyasi va grantini taqdim etish uchun tavsiya etilgan talaba va o'quvchilar nomzodiga rozilik berilsin.

3. 2022/2023-o'quv yili uchun quyidagilar:

Toshkent davlat yuridik universiteti stipendiyasi taqdim etiladigan universitet talabalarining ro'yxati 1-ilovaga;

Toshkent davlat yuridik universiteti granti taqdim etiladigan universitet talabalarining ro'yxati 2-ilovaga;

Toshkent davlat yuridik universiteti stipendiyasi taqdim etiladigan TDYU qoshidagi M.S. Vosiqova nomidagi akademik litsey o'quvchilarining ro'yxati 3-

ilovaga muvofiq tasdiqlansin.

4. Toshkent davlat yuridik universiteti rektorining 2020-yil 19-avgustdagi 08-146-son buyrug'i bilan tasdiqlangan "Toshkent davlat yuridik universitetining iqtidorli talabalariga stipendiya tayinlash va grant ajratish to'g'risida"gi nizomning 16-bandiga muvofiq, 2021/2022-o'quv yilida Alisher Navoiy nomidagi davlat stipendiyasini qo'lga kiritganligi, universitet ijtimoiy hayotida faol ishtirok etib kelayotganligi hamda universitetda faol va tashabbuskor talaba-qizlar safini yanada kengaytirish maqsadida Ommaviy huquq fakulteti 4-kurs talabasi Eshturdiyeva Farangiz Bahodir qiziga 2022/2023-o'quv yilida universitet stipendiyasi tayinlansin.

5. Universitet stipendiyasini tayinlash va ta'lim granti ajratish nizomda belgilangan tartibga qat'iy rioya qilgan holda 2022-yilning sentyabr oyidan boshlab amalga oshirilsin.

6. Buxgalteriya (M.Parpiyev):

Universitet stipendiyasi sovrindori bo'lgan universitet talabalari sentyabr-iyun oylari davomida bir marta belgilangan miqdorga qat'iy rioya qilgan holda qonun hujjatlarida belgilangan tartibda o'rnatilgan bir oylik stipendiya bazoviy miqdorining bir yarim baravari miqdorida oyma-oy to'lab borilishini ta'minlasin;

O'quv uslubiy boshqarma (Registrator ofisi) (S.Bozorov) bilan birgalikda universitet ta'lim granti sovrindori bo'lgan talabalarning o'quv yili uchun belgilangan to'lov-kontrakt summasining 50 foizidan ozod etilishini ta'minlasin;

Universitet stipendiyasi sovrindori bo'lgan TDYU qoshidagi M.S. Vosiqova nomidagi akademik litsey o'quvchilariga bir marta belgilangan miqdorga qat'iy rioya qilgan holda oliy ta'lim muassasalari talabalariga qonun hujjatlariga belgilangan tartibda o'rnatilgan stipendiyaning bazoviy miqdorida oyma-oy to'lab borilishini ta'minlasin.

6. Ma'naviyat va ma'rifat markazi (Sh.Po'lotov):

fakultet dekanlari birgalikda universitet stipendiyasi va ta'lim grantini qo'lga kiritgan talabalar to'g'risidagi ma'lumotlarni barcha talabalar e'tiboriga yetkazsin;

Jamoatchilik va OAV bilan ishlash bo'limi (J.Haydarov) bilan birgalikda ushbu talabalar to'g'risidagi ma'lumotlarni televideniya, radio, internet va davriy nashrlar orqali keng yoritilishini ta'minlasin.

TDYU qoshidagi M.S. Vosiqova nomidagi akademik litsey (O.Saydumarov) bilan birgalikda universitet stipendiyasini qo'lga kiritgan o'quvchilar to'g'risidagi ma'lumotlarni akademik litseyning Internetdagi sayti hamda ijtimoiy tarmoqlardagi sahifalariga joylashtirish, ularning faolliklarini o'quvchilar o'rtasida keng targ'ib qilish choralari ko'rsin;

Universitet stipendiyasi va granti shu bilan birga boshqa xalqaro va respublika miqyosidagi loyihalarida ishtirok etish tartibi va shartlari bo'yicha talabalar orasida tushuntirish ishlarini olib borsin hamda ularni mazkur stipendiya, grant hamda loyiha va tanlovlarga tayyorlash bo'yicha tizimli ishlarni

amalga oshirsin.

Universitet stipendiyasi va grantini qo‘lga kiritgan talaba va o‘quvchilarga guvohnomalarni tantanali vaziyatlarda topshirish choralari ko‘rsin.

7. Mazkur buyruq ijrosini nazorat qilish birinchi prorektor A.Hashimxonov zimamasiga yuklatilsin.

**O'quv ishlari bo'yicha
prorektor - TDYuU qoshidagi
akademik litsey direktori**



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

yuriskonsult

D.ALIBOYEV



Bosh buxgalter

M.PARPIYEV



Devonxona mudiri

X.ABDULLAYEV



Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Moliya-iqtisod ishlar bo‘yicha
prorektor

A.IMINOV

